



Nunatsinni Peqqinnissaqarfimmi naartuneq erninerlu



NAARTULERSIMANINNI PILLUARIT!

Peqqinnissaqarfimmi erniviusinnaasut tallimaasut arlaanni takunissat qilanaaraarput. Peqqinnissaqarfimmi ukiumut ernisartut 850-issit missigaat. Naartunerpit ajunngitsumik ingerlanissaa, illit aapparissappillu piffissaq tamakkerlugu paasisimasagarluartunit ikiorneqarnermik toqqissisimanermillu misiginissarsi, Peqqinnissaqarfimmit kissaataavoq.

Ernivissani, naartunermi akornutaasinnaasunut ajornartorsiutaasinnaasunullu allanut illit meerartaassavillunniit pitsaanerpaamik ikiorneqarnissarsi qulakkeerniarlugu, immikkut ittumik piumasaqaatitalimmik iliuseqarsinnaasunik sulisoqarpoq.

Nunatsinni erniviusartut

Nunatsinni Peqqinnissaqarfimmi erniviusinnaasut tallimaasut tassaapput:

- Nuummi Dronning Ingridip Napparsimmavissua
- Ilulissani Peqqinnissaqarfik Avannaani qitiusumik napparsimmavik
- Sisimiuni Peqqinnissaqarfik Qeqqani qitiusumik napparsimmavik
- Tasiilami Peqqissaavik
- Qaqortumi Peqqinnissaqarfik Kujataani qitiusumik napparsimmavik

Nuummi Dronning Ingridip Napparsimmavissuani ernineq

Naartuninni arlaannik akornuteqarsimaguit, imal. nakorsamit ernininnut atatillugu kingunerluuteqarsinnaasutut naliliivigineqarsimaguit, Nuummi Napparsimmavissuarmut, erninernut naartunernullunniit ajornartorsiutitalinnut iliuseqarfiginninnissamat atortorissaarutilimmut sulisulimmullu, nuunneqassaait.

Nuup avataani erniviusinnaasuni ernineq

Nuup avataani erniviusinnaasuni tamani nakorsaqqarpoq pilaalluni ernisitsisinnaasumik, peqqissaasoqarpoq sinititsisartumik, aaviisartoqarpoq juumooqarlunilu.

Qaqugu erniartorlunga aallasaanga?

Najukkanni peqqinnissaqarfiup immikkoortuani/napparsimmavimmi sulisut pisariaqarneranik naliliippata, ernivissannut nuunneqassaait. Nalinginnaasumik sap. ak. pingasut- sisamat erninissat sioqqullugu tamanna pissaaq (timmisartumut umiarsuarmullunniit ilaanissat apeqqutaassaaq).

Erniartorfissannut ingiallorteqarsinnaavunga?


18-it inorlugit ukioqaruit, ingiallortip angalanera ineqarneralu Peqqinnissaqarfimmit akilerneqassapput.

Nerisaqarneq ineqarnerlu

Ernivissanni napparsimasunut akunnittarfimmiissaguit, tassaniinnerit nerisaqarnerillu Peqqinnissaqarfimmit akilerneqassapput. Ineqarnerit nammineq isumagigukku, inissiamiikkuit allamiikkuilluunniit Dronning Ingridip Napparsimmavissuani napparsimasunut akunnittarfimmut neriartortassaatit.

Bilitsinik inniminniineq angallanneqarnerlu

Ernivissanni sulisut bilitsissannik inniminniissapput. Bilitsissat mailikkut ilinnut nassiuqqarsinnaavoq imal. Illoqarfigisanni Peqqinnissaqarfiup immikkoortuanit tunniunneqarluni. Tamanna pillugu illoqarfimmi/nunaqarfimmi najukkanni peqqinnissakkut sullissisunut paasiniaassaatit.



Suut nassasavakka?

- Aningaasat kaasarfimmiussat/Akiliut/Appa
- Atisat kamippaallu pisariaqarnerpaat
- Imminut eqqiluisaarnissamut atortut
- Meeqqap atisassai qipissaalu
- Kinaassutsimut uppernarsaat (passi/biilernermit allagartaq) imal. sumi najugaqarnermut uppernarsaat.

Qaqugu angerlassaagut?

Suut tamarmik pilersaarutaasutut ingerlappata, ernereernerpit kingorna pilertukannersumik meerartaallu angerlarsinnaassaasi. Ernereeruit angerlamut angalanissassinut inniminniisoqassaaq.

Suna pillugu najugara qimallugu erniartussaanga?

Peqqinnissaqarfimmi ernissusiornermi maleruagassat nutaat, nunatsinni erninermut atatillugu meeraaqanik toqusartunik amerlaqisunik ikilisitsisut, 2003-imi atuutilersinneqarput. Maleruagassat Nunani Avannarlerni pitsaassutsimut piumasaqaatit qaffasissut tunngavialugit ilusilerneqarput.

- Erninermut atatillugu kingunerluutaasinnaasut, ilaatigut aanaarnerit, pilatsilluni ernisariaqarnerit inoorlaamilu kingunerluutaasinnaasut pinasuartariallit assigiinngitsut- ajornerpaaffiini anaanap meeqqallu inuunerannik akeqarsinnaasut, sulisut iliuuseqarfigisinnaassavaat.
- Taamaammat erniviusussani minnerpaamik pilaasinnaasumik nakorsaqaarnissaa, sinitsitsisartumik peqqissaasoqaarnissaa, aaviisartoqaarnissaa kiisalu juumooqaarnissaa piumasaqaataavoq.

Apeqqutissaqaruma sumut saaffiginnissaanga?

Aqqusaartukkannut/aqqusaartugassannut tunngatillugu apeqqutissaqaruit Peqqinnissaqarfimmi sulisunut tamatigut saaffiginnissinnaavutit. Peqqinnissaqarfimmi siunnersorti paasissutissanut apeqqutillu akissutissarsiniarnissannut tunngatillugu aamma ikiuussinnaavoq.

Attavissaq

Peqqinnissaqarfimmi Siunnersortimut mailikkut:

Siunnersorti@peqqik.gl imal. oqarasuaatikkut:

344050 piffissamik inniminniigit

www. Peqqik.gl